

Ex bibl. Ezech. Spanhemii.

~~C7874~~

Uc 4736

40



std:0014956

Biblioteka Jagiellońska

Me 4736

vicaria contentura in present vicaria

Leo Chroniqua et Annala de polonia
par Blaise de Bigonnet, Secretaire de
son monseigneur le Duc de Saxe
1573. 2

De legatione polonica, oratio F. Balduini
I. C. ad Cl. V. Jo. sarium Zamoscium Lega-
tum Polonum. 1573. 3

Caroli Carsi Pontificis ac Ducis Lin-
gonum, Francia Paris, et sacri Conci-
lii Senatoris oratio, ad amplissimas Le-
gatos Polonorum, Metis habita, anno D
1573. ad 4. Id. Augusti.

Stanislai Carnconij Episcopi Vladislavi-
ensis ad Henricum Valesium Polonia-
rum Regem designatum panegyricus
1574. (5) in 4

Vidi Fabri Domini a Pibrac, ad superi-
orem panegyricum responsio.

Hactenus publicus et biduum, an hoc Hon-
27 de Galois, hoc officio de polonia, prononciat
par Stanislau Carnconium Quosque de Vladista-
nio 1574.

7) (overwritten) ...
Reponse a ladicte hazongue, par le sire
de pibrac

8) ...
C'est aist d'ou l'offre scripte par le sire
homme de boy de polongue, a Miedzich, le
25. Januier 1574.


9) ...
Io. Sarri Zamosci Belsensis, et Zamechen-
sis Praefecti, ac in Galliam Legati oratio,
qua Henricum Valesium Regem renunci-
at 1573.

10) et de ...

11) ...
Le motus Hazongue traduch de Latin
en francois par le sire Rogier, suivant le com-
mandement du sire de pibrac, et a la requi-
te de ses seigneurs Ambassadeurs Polonois: con-
nant la detaxation de son ostelion, et pourquoy
il a esté presché aux autres compaignons, ou
c'estat presché de leur Royaume est presché
au Seign, et ce que les Polonois attendent
de sa Maesté.

fin

12) ...
13) ...
14) ...





EXTRAICT D'VNE LETTRE

escrite par vn Gentilhomme du Roy de

Polonne, à Miezerich, le xxv

Januier, 1574.



AMÉDY dernier vingt-troisième de ce mois, estans partis d'une petite ville nommée Droussen, nous arriuasmes sur les trois heures apres midy à Silensick, où peu apres survint le Sieur Opalinsky Mareschal de la Court de Polonne, personnage qui monstroit avoir beaucoup d'entendement, accompagné de six vingts gentilshommes, la pluspart montez sur des genets d'Espagne, Turcs & Vallaques, & habillez de mesme parure à la Françoisse, portants tous pistoles. En cest equippage il se presenta au Roy, qui estoit à la fenestre d'un poile qui regardoit sur la place. Soudain ledict Sieur Mareschal mit pied à terre, & estant suiuy de sa troupe allerent tous ensemble baiser les mains à sa Maiesté, avec vne façon si bonne, qu'il n'y eut ceuy des assistans qui n'en demeurast merueilleusement satisfaiect. Le lendemain le Roy festoya à dîner les Comtes qui commandoient le conuoy du

A


Marquis de Brandebourg. Et apres disner, qui estoit environ les dix heures, il partit de Silensich pour s'acheminer vers Miezerich. Il n'eust pas marché vne lieuë de ce pais, que le conuoy du Marquis, qui estoit de six cents cheuaults, s'arresta sur les limites du Marquizat, ayant descouuert vne troupe de Polonois qui venoient au deuant de sa Maiesté, dont estoient chefs l'Euesque de Cuiavia, les Palatins de Brestan, de Rava, de Vratisslaui, le Castellan de Danzich, & plusieurs autres grands Seigneurs & principaux hommes du pais, tous lesquels estoient deputez par le Senat, & par tous les ordres tant du Royaume de Polonne, que du grand Duché de Lithuanie, pour saluër le Roy, & le receuoir en son Royaume. Le Roy ayant prins congé des Alemans, tandis que la troupe des Polonois s'aduançoit, fut aduertey par le Mareschal Opalinsky, qu'il estoit temps de desmonter. Soudain il sortit de sa coche, où estoient Messieurs les Ducs de Neuers, & du Mayne, & le Sieur de Pibrac: avec lesquels, & plusieurs autres Gentilshommes de sa suite, il marcha environ cinquante pas vers les susdits deputez, qui attendoient le Roy sur vn hurt, ne pouuans s'auancer vers sa Maiesté, par ce qu'ils estoient plantez sur les confins du Royaume. Le Mareschal Opalinsky adonc, qui alloit deuant le Roy teste nuë, aiant le baston à la main, disposa la troupe de ceulx qui estoient necessaires à ceste solennité en rond,

dans

dans lequel le Roy estant vn peu auancé, auoit deux pas derriere soy à main droicte, Messieurs les Ducs de Neuers & du Mayne, Monsieur le Marquis d'Albeuf, l'Ambassadeur du Roy de France, & Monsieur le Mareschal de Rets: & apres ceulx la vn peu plus derriere estoit la noblesse Françoysse. A gauche estoit l'Euesque de Postnaia, & autres Ambassadeurs de Polonne, qui estoient venuz en France. A deux pas de soy, il auoit d'vn costé ledit Sieur Mareschal Opalinsky tenant le baston à la main, & de l'autre le Sieur de Pibrac. En l'autre moitié du rond estoient lesdits sieurs deputez des estats, & derriere eux environ cinq cens Gentilshommes qui les accompagnoient. Vis à vis du Roy estoit l'Euesque de Vladislaui, qui fit vne longue harengue en Latin, contenant trois poincts principaux. C'est à sçauoir, la ioye que toute la Polonne receuait de voir arriué son Roy: les causes qui ont emeu les Polonois de l'essire: & le troisieme, ce qu'ils esperent maintenant & attendent de luy: avec vne exhortation de n'attribuer son election apres Dieu à aucuns particuliers, ains à tous egaleme. Sa Maiesté l'ayant ouy, appella le Sieur de Pibrac, pour sçauoir de luy le contenu de la Harengue dudit Euesque, dont il rendit raison au Roy tout au long. Lors sa Maiesté dressant sa parole aux deputez, leur dit en langage Italien, qu'il feroit entendre ce qui estoit de son intention, pour responce aux poincts principaux de leur orai-

son, au Sieur de Pibrac, qui la leur reciteroit fidelement & plus particulièrement en Latin. Soudain parla audit Sieur de Pibrac fort longuement. Lequel apres auoir fait reuerence au Roy, se tourna vers les deputez, & commença à faire la responce en latin au gré & contentement des François & des Polonnois ensemble, dont ie vous enuoye vne copie, que j'ay recouuerte par le moyen d'un mien amy, qui est de sa maison. Ceste harengue finie vn grād Seigneur de Lithuanie, nommé le Comte de Kosky, parla, au nom des Lithuans, auquel le Roy feit soudain respondre par ledit Sieur de Pibrac, aiant obserué la mesme cerimonie que dessus. Ces choses ainsi acheuees, les deputez s'approcherent du Roy, & selon leurs qualitez les vns apres les autres luy baisèrent la main droite. Tout aussi tost les trompettes sonnèrent, & le Roy r'entra dans sa coche, avec Messieurs les Ducs de Neuers & du Mayne, & le Sieur de Pibrac, apres auoir veu passer de reng la troupe des Polonois, qu'il faisoit fort beau voir, tant pour estre bien montez, que pour la diuersité des natiōs qu'ils representoient. Car les vns estoient armez à la Polaque, les autres à la Moschouite, autres à la Turquesque, & autres à la Françoisise, tous marchants separément. En cest ordre aians cheminé enuiron deux lieuës, nous rencontraimes à l'aile d'un bois cinq ou six cens cheuaux Polonnois en fort bel equipage, tant d'armes que de harnois, caparassons de subelin

subelin, de loups ceruiers, de toile d'or, bref tellemēt parez, qu'il n'y eut celuy des François, qui avec plaisir n'en demeurast estonné. Le Roy fut aduertiy que c'estoient gentilshommes de la prouince de Postnanie, par laquelle il entroit en son Royaume, qui desiroient luy baisier les mains. Parquoy il descendit de sa coche avec ceulx qui y estoient: & s'estant demarché cinq ou six pas vers eux, s'arresta pour ouir le frere du Comte de Gorke, qui portoit la parole, auquel fut faicte responce par le Sieur de Pibrac. Le Roy r'entra dedans sa coche, & les deux troupes de Polonnois se ioignants ensemble, le conduisirent en ceste ville de Miezerich, où nous arriuasmes fort tard. Nous y auons seiourné ce iourd'huy, & pense que nous en partirōs demain, pour prendre le chemin en Postnanie distante trois iournees d'icy: & croy que celles de Postnanie en Cracouie seront tellement departies, que nous y arriuerons le dix-septieme du moys de Feurier: à fin que le Couronnement se puisse celebrer le xxj, ainsi que chascun espere: où fil se fait quelque acte publicque, ie ne faudray vous en escrire bien au long.



de l'année de la République
A Paris, le 10 Mars 1793
L'Assemblée Nationale
a décrété qu'il y aurait
un jour de fête nationale
le 10 Mars, jour de la
libération de Paris.

1793

Imprimé chez la Citoyenne
Mouton, Palais National, ci-devant
des Arts, ci-devant de la Liberté, ci-devant
de la Concorde, ci-devant de la Nation, ci-devant
de la République.



Hist. Colon
a. gener

